

Broj: 02-14-5-1213-16/17
Sarajevo, 22.08.2017. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem, broj: 02-14-1-1213-1/17 od 12.07.2017. godine, federalni ministar raseljenih osoba i izbjeglica **d o n o s i**

ODLUKU
o izboru najpovoljnijeg ponuđača za nabavku usluga
osiguranje vozila (obavezno osiguranje i full kasko osiguranje
sa uključenim dopunskim rizikom od krađe)

I

U cilju odabira najpovoljnijeg ponuđača, u provedenom postupku javne nabavke konkurentski zahtjev za dostavu ponuda za nabavku usluga osiguranje vozila (obavezno osiguranje i full kasko osiguranje sa uključenim dopunskim rizikom od krađe) za potrebe Federalnog ministarstva raseljenih osoba i izbjeglica, evidencijski broj nabavke: 02-14-5-1213-3/17 od 27.07.2017. godine, broj obavještenja o nabavci sa portala javnih nabavki: 668-7-2-53-3-32/17, broj ispravke za obavještenje o nabavci: 668-7-2-53-8-33/17, kao najbolje ocijenjena prihvatljiva ponuda je ponuda ponuđača:

Sarajevo osiguranje d.d. Sarajevo, sa ukupnom cijenom ponude bez PDV-a u iznosu od 8.405,77 KM.

II

Ponuđač iz tačke I ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora (najniža cijena), ponudio je najnižu cijenu.

III

Za realizaciju ove odluke zadužuje se Sektor za pravne, finansijske i opće poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 02-14-5-1213/17 od 11.07.2017. godine. Javna nabavka provedena je putem konkurentskog zahtjeva za dostavu ponuda. Procijenjena vrijednost nabavke iznosila je 13.700,00 KM bez PDV-a i predviđena je Planom javnih nabavki za 2017. godinu Ministarstva, dio II Usluge, pod rednim brojem 2. – osiguranje vozila (obavezno osiguranje i full kasko osiguranje sa uključenim rizikom od krađe). Obavijest o nabavci, broj: 668-7-2-53-3-32/17 poslana je na objavu 27.07.2017. godine, te je zajedno sa tenderskom dokumentacijom, istog dana objavljena na portalu Javnih nabavki.

Tendersku dokumentaciju preuzelo je 14 privrednih subjekata, a 6 ponuđača dostavilo je ponude u predmetnom postupku nabavke. Sve ponude dostavljene su blagovremeno. Ponude su dostavili sljedeći ponuđači: Zovko osiguranje d.d. Žepče, Sarajevo osiguranje d.d. Sarajevo, Bosna Sunce osiguranje d.d. Sarajevo, DD za osiguranje Camelija Bihać, DD za osiguranje VGT Visoko i Euroherc osiguranje d.d. Sarajevo.

Komisija za javne nabavke, imenovana Rješenjem, broj: 02-14-5-1213-1/17 od 12.07.2017. godine, izvršila je pregled i evaluaciju prispjelih ponuda i dostavila federalnom ministru raseljenih osoba i izbjeglica Zapisnik o pregledu i ocjeni ponuda, broj: 02-14-5-1213-15/17 od 21.08.2017. godine zajedno sa Preporukom o izboru najpovoljnijeg ponuđača Sarajevo osiguranje d.d. Sarajevo, sa registriranim sjedištem u ul. Čobanija br. 14, Sarajevo, ID broj: 4200326930001.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije.

U postupku ocjene provedenog postupka, federalni ministar nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač odabran je primjenjujući kriterij najniže cijene.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, svaki od ponuđača koji je učestvovao u postupku nabavke, može izjaviti žalbu ugovornom organu - Federalnom ministarstvu raseljenih osoba i izbjeglica, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.

Dostaviti:

1. Svim ponuđačima u postupku
2. Komisiji za nabavke
3. Sektor za pravne, finansijske i opće poslove
4. a/a

MINISTAR

dr. sci. Edin Ramić